

Vater, Abraham,

Regii In Academia Ad Albim Musei Anatomici Augustei Catalogi Appendix  
Continens Accessiones Novas Praeparatorum Anatomicorum Siccorum Et In  
Liquore Conservatorum Itemque Variorum Monstrorum, Sceletorum Aliorumque  
Singularium Quibus Post Editum Catalogum Dictum Museum Auctum Est Cura Et  
Opera D. Abrahami Vateri Facult. Med. In Acad. Vitemb. Senioris Et Prof.

Vitembergae [1746]

Res/4 Anat. 201#Beibd.1

urn:nbn:de:bvb:12-bsb11021269-3

VD18 10818367-003



REGII  
IN  
ACADEMIA AD ALBIM  
MVSEI  
ANATOMICI  
AVGVSTEI  
CATALOGI  
APPENDIX

---

CONTINENS  
ACCESSIONES NOVAS  
PRAEPARATORVM ANATOMICORVM  
SICCORVM

ET  
IN LIQVORE CONSERVATORVM

ITEMQVE  
VARIORVM MONSTRORVM, SCELETORVM  
ALIORVMQVE SINGVLARIVM  
*QVIBVS, POST EDITVM CATALOGVM  
DICTVM MVSEVM*

AVCTVM EST  
CVRA ET OPERA  
**D. ABRAHAMI VATERI**  
FACVLT. MED. IN ACAD. VITEMB. SENIORIS ET PROF. PRIMAR.  
REGII MVSEI PRAEFECTI.

---

VITEMBERGAE  
PROSTAT IN OFFICINA HENNINGIANA.

---

LITERIS SCHEFFLERIANIS.





## PROOEMIUM.

**H**abes hic, LECTOR BE-  
NEVOLE, Regii in Aca-  
demia nostra Musei Ana-  
tomici Augustei, Catalo-  
gi Appendicem, qua re-  
censentur accessiones no-  
vae, quibus Museum, post  
editum Catalogum, cura & opera mea auctum  
est. Omnes, quotquot Regii huius The-  
sauri perlustrandi gratia ad nos affluerunt  
exteri peregrinantes, admirati sunt lau-  
tam & magnificam supellectilem, qua Re-  
gia Munificentia Academiam nostram di-  
tavit & exornavit, quaque ista prae aliis  
superbit. Huic apparatusi haud parum  
splen-



splendoris, ut spero, additum est, accessionibus istis nouis, tum ob numeri rerum singularium incrementum, tum ob earum conditionem, siquidem inter ea talia sunt, de quibus sine iactantia affirmare possum, quod ob raritatem uix sui similia sint habitura. Prouoco nunc, ut reliqua taceam, ad unicum exemplum, illudque primo loco in his paginis descriptum, nempe partum humanum monstruosum, qui, nemine contradicente, talis aestimabitur. Harum igitur Accessionum enarrationem ulterius differre nolui, partim ut diligentiae, in amplificando Museo adhibitae, Maecenatibus rationem redderem, partim ut Eorum desiderio satisfacerem, qui in perlustrando hoc apparatu, id maxime desiderarunt, multa in eo esse, quae in Catalogo non sint descripta, quapropter lectione huius, eorum, quae olim uiderunt, memoriam renouare nequeant. Haec sunt, quae Prooemii loco huic Appendici praemittere uolui. Vale, LECTOR BENEVOLE. Dabam e Museo Wittembergae d. IV. Octobr. A. R. S. MDCC XLVI.



IN  
LIQVORE CONSERVATA.

I. **P**artus monstrosus, a fœmina, conspectu hominis decollati, tempore grauiditatis perterrita, editus.

*Nota.* Foetus hic, si ita nominare licet, fere maturus, & quoad artus inferiores & nates exterius perfectus uidetur, sed interius ossibus destitutus, unde crura incuruata & undique flexilia. Truncus corporis nullus; adest, nec caput nec brachia monstrat, sed eius loco sacculus musculosus crassus, pugni magnitudine, cultri ope apertus, intus uacuus, & omnibus uisceribus destitutus, apparet. In huius inferiori tamen regione conspicitur spinæ dorsi pars inferior, quæ lumbos constituit, carne tecta, & a sacco separata. Eidem in sinistro latere adhaeret renis, phaseoli minimi (Schminck-Bohnen) magnitudinis & figurae, uasis suis adhaerentis, simulacrum. Funiculus umbilicalis, sacculus hunc intrans, tenuis quidem & flaccidus est, habet tamen duas arterias & unam uenam, quarum istas ex iliacis prodiisse, situs & inspectio earum indicat, hæc uero lumborum dextrae regioni superius annectitur, & forsân in uenam cauam, ibi sitam, abiit, quia hepar deficit. Quorsum uero abhinc sanguis, ex placenta huius fœtus refluus, abierit, incertum manet. Supra spinam lumborum a sacco separatam, in huius substantia, durities quaedam percipitur, quæ uestigia costarum spuriarum exhibet. Causam huius prauæ formationis, fœmina ipsa adscripsit terrori, in quem incidit ista, dum a tergo stans, decollati proni cadentis, posteriora tantum conspexit. Admirari potius, quam



explicare licet, quomodo in tanta imperfectione, & uiscerum omnium defectu, fœtus ad istam magnitudinem crescere & nutriri potuerit. De hoc, ne hario-lando quidem, quidquam dicere ualeo, quia hoc monstrum a *B. Parente*, qui istud ultra quinquaginta annos inter rariora sua asseruauit, quale nunc apparet, ad me translatum est.

II. Gallina monstrosa, tribus pedibus instructa.

III. Fœtus leporinus monstrosus bicorpo-  
reus, octo pedibus præditus.

IV. Pullus anatinus monstrosus, capite & ro-  
stro duplici instructus.

V. Pullus Phasianus, uiuus ex ouo extra-  
ctus, cuius caput, ob rostri superioris  
defectum, caput felis quodammodo re-  
præsentat.

*Nota.* Dono accepi a Viro generosissimo, ex cuius ore ha-  
beo, quod ipse illud integrum in nido Phasiano, pul-  
lis recenter exclusis pleno, inuenerit, & pullum ad-  
huc uiuentem, fracta testa, extraxerit. Probabile est,  
eundem ob defectum rostri testam frangere, & inde  
prodire non potuisse.

VI. Pullus gallinaceus monstrosus, recen-  
ter exclusus, quatuor alis, & totidem  
pedibus præditus.

VII. Caput fœtus ouilis monstrosus, in  
fronte, in orbita communi, duos oculos  
connatos monstrans, sub quibus uesti-  
gium nasi apparet, os uero ab hoc di-  
stans,



stans, in loco consueto, in extremitate rostri uidetur.

VIII. Mures duo albi.

IX. Cor humanum albissimum, ex fœmina, diutius carcere detenta, in cuius uentriculis conspiciuntur polypi crassissimi, & pedibus longissimis, per truncos uasorum egredientium, in uita expansis, nunc inde propendentibus, præditi.

*Nota.* Laborabat fœmina asthmate horrendo, quod ipsi, ex urbe proscriptæ, in educatione, singulis gradibus suffocationem minabatur, & paucis post dies mortem afferebat.

X. Vterus humanus, ex fœmina, a quinque mensibus grauida, in cuius substantia conspiciuntur sinus uenosi, mutuis anastomosibus inter se communicantes, extensione diducti, ut totus uterus spongiosus appareat. In huius superficie interna hiant cryptæ atque cauernæ, cum sinibus istis communicantes.

*Notu.* Uteri huius descriptionem & delineationem uide in dissertatione mea *de utero grauido* anno MDCCXXV. habita.

XI. Sarcoma insigne, a pudendo muliebri resectum, quod uteri inuersi figuram quodammodo mentitur.

*Nota.*



*Nota.* Historiam descripsi in dissertatione inaugurali, anno MDCC XXVIII. de hoc *sarcomate* edita, cum adiecta figura.

XII. Polypus nasi, pollicis longitudine & crassitie, e faucibus ciuis huius urbis, me praesente, forcipe a chirurgo extractus.

*Nota.* Hunc pariter delineare curavi in dissertatione inaugurali, anno MDCC XLIII. de *polypo nasi* conscripta.

XIII. Massa polyposa ramosa & nodosa, nodi Gordii instar inextricabilis, a foemina, post tormina uentris, per aluum exclusa.

*Nota.* Huius delineatio uideatur in dicta dissertatione.

XIV. Coagulum polyposum, eiusdem cum polypo nasi magnitudinis & substantiae, a puella nouem annorum uomitu reiectum.

XV. Membranula tussiendo expectorata.

XVI. Rana minor, a rustico uomitu reiecta.

XVII. Lumbricus ex abscessu in dorso, a chirurgo cum duobus fociis, vivus extractus.

XVIII. Foetus ovilis, in membrana amnii integra, succo amnii innatans.

XIX. Folliculus pinguis, in anseris saginato, iuxta hepar, forte in omento, repertus,  
ex



ex quo aperto propendent plumae copiosae, ex interna eius superficie enatae.

*Nota.* Huius conspectu, homines, qui anserem mactarunt, perterriti, veneficii suspicione ducti, illum ad me attulerunt, anseremque comedere auersati sunt.

XX. Auicula Polonis Remiz dicta.

*Nota.* RZACZYNSKI *in hist. natur. curios. Polon.* Tract. X. sect. I. no. XLIX. *Auem sic appellamus patrio idiomate, quia latinum nomen desideratur, passere minorem, coloris fusci.* De huius nido, uide infra sub numero 38.

## PRAEPARATA ANATOMICA SICCA.

XXI. **F**œtus uitulinus, canis minoris magnitudine, ex utero uaccae exsectus, & per funiculum umbilicalem cera rubra, ad ultimas usque uasorum ramificationes tomentosas, in extremitate pedis, sub ungula, reticula formantes, repletus, unde totus intense rubet.

XXII. Uterus humanus ex fœmina ad enixum grauida, cera rubra repletus, unde locus imprimis, ubi placenta adhaesit, rubicundissimus.

XXIII. Placenta humana, cum fœtu suo in fœmina mortua, ex hoc utero extracta,  
B
cuius



cuius arteriae cera rubra, uenae uiridi,  
per funiculum iniecta, sunt repletae.

**XXIV.** Uiscera huius infantis, ex thorace  
& abdomine extracta, cum adhaerente  
lingua, iniectione cerae rubrae per fu-  
niculum, praeparata, & in situ naturali  
exiccata.

**XXV.** Portio intestini ieiuni ex alio infante,  
recens nato, coccinei coloris, ob uasa  
minima, iniectione cerae rubrae, itidem  
per funiculum facta, repleta.

**XXVI.** Portio eiusdem intestini, flatu im-  
misso, distenti & exiccati.

**XXVII** Portio eiusdem intestini, inuersi &  
inflati, ut superficies interior, & in ea tu-  
nica uillosa rubicundissima, oculo arma-  
to examinari queat.

**XXVIII.** Caput uituli monstrosum.

*Nota.* Vitulus hic anno MDCCXXVI. in suburbio nostro, a  
uacca editus, adhuc uiuus ad meum domicilium appor-  
tatus fuit, & per aliquot dies uixit, sed quia caput ob  
grauitatem eleuare, & nutrimentum debitum capere  
non potuit, expirauit, & a me publice in Theatro,  
Anatomico dissectus est. Caput istud praegrande,  
superius simplex uidetur, duabus tantum auribus  
praeditum, anterius uero in duo rostra est diuisum.  
Quatuor in eo aderant oculi, quorum duo sub fronte la-  
tiori connati, in orbita communi repositi, duo reliqui in

utro-



utroque latere unus, siti erant. In ore duplicato. duae itidem linguae, sed in radice connatae. In cranio aperto duo quidem cerebra, sed unicum tantum cerebellum, conspiciebantur.

**XXIX.** Oculi duo huius vituli connati, & in orbita communi repositi, cum musculis utrique propriis, separatis & exiccatis, praeparati.

**XXX.** Lingua duplex istius vituli, radice unica constans, cum annexa communi larynge & pharynge & unico osse hyoidis, exiccata, musculis utrique linguae propriis existentibus.

**XXXI.** Caput agnelli recens nati, monstruosum, maxilla inferiori destitutum.

**XXXII.** Pes foeminae, ulcere profundo gangraenoso, cum ossium tarfi carie, anterieus in ipsa iunctura cum tibia, laborans, supra malleolos resectus.

**XXXIII.** Extremitas pedis sphacelati, in viro mox post digitos detruncata.

**XXXIV.** Officula primae phalangae digitorum eiusdem pedis separata, seorsim in vitro asservata.

**XXXV.** Sceleton anatis rubicundum, per nutrimentum tinctum.



*Nota.* Huius experimenti prima mentio facta est, in *Transactionibus Philosophicis Societatis Regiae Londinensis n. 442. p. 287. in Schediasmate num 8. An Account of the Bones of Animals, being changed to a Red Colour by Aliment only* By John Belchier, Surgeon, F. R. S & altera num. 443. pag. 299. num. 2. *A further Account of the Bones of Animals being made Red by Aliment only.* By John Belchier, F. R. S. Tinctura haec ossibus conciliatur ope alimenti, cum rubia tinctorum mixti, & animali uiuenti per aliquot tempus esui dati. Notatu dignum est, sola ossa hac tinctura infici, reliquis partibus mollibus penitus immunibus manentibus. Nec minus notabile, colorem rubicundum tantum ossibus conciliari posse. Periculum feci, cum radice curcuma, itemque orleana, alimento, quo duas columbas per aliquot tempus natriuimus, additis, & speraui, fore, ut ossa colore flauo tincta apparerent, eo magis, quia ossa hominum, ictero confirmato laborantium, eodem colore infecta, reperta fuisse, obseruationes Auctorum fide dignorum confirmant. Sed euentus minime respondit uoto.

XXXVI. Sceleton testudinis.

XXXVII. Sceleton uespertilionis.

ALIA CVRIOSAS ET SINGVLARIA.

XXXVIII. **N**idus auis Remiz, cuius mentio supra *Num. XX.* facta est.

*Nota.* De auicula & nido haec habet ibidem citatus *Rzaczynski loc. cit.* De illa *BONANNI S. I. IN MVSEO KIRCHERIANO* refert sequentia. *In Lituania sunt nidi, ex molli lana, prodigiosa arte compacti, in formam rotundi sacculi, seu potius crumenae, efformati a Remis auicula. Haec corpore minima, ingenio tamen maxima,*  
cum



*cum insidias serpentum suis timeat pullis, tali arte nidum componit, ut semper ab extremitate alicuius ramusculi, supra decurrentes aquas dependeat, ne serpentes insidiantes sustentare ualeat; atque ut ipsa pullis, ab ouo exclusis, cibum suppeditare possit, foramen relinquit apertum, in eiusdem nidi latere, cui tamen ueluti tectum, instar suggrundae, imminet, ne aqua de caelo in nidum decidat. In Prouincia Volbiniae eiusmodi nidos incolae uenantur, utpote qui catarrho equorum remedium praebent opportunum, si sub eorum naribus comburantur: imo et hominum, si cum lacte decocti applicentur ceruici. Tales nidos receperam ex Lituania &c. Dictis addit **BALBINUS S. I.** in *hist. naturali Bohemiae*, sub Maudicek uerbo, quod auis eiusdem nidus sit mirabilis, ex materia lanuginosa, alba, texto opere, tam angusto superne introitu, ut sola ipsa intrare possit, maior autem quaecunque alia excludatur. Ex lanugine florum, iuxta **TYLKOWSKI** in *Phys. curios.* nidus conficitur, cuius suffumigio se leuant homines, dum catarrho in faucibus opprimuntur. Curatur & malignitas ulcerum conclusa capite, si fumus saepius aure excipiatur.*

**XXXIX.** Frustum uitri, articuli digiti magnitudine, angulosum, a uitro, inter bibendum fracto, separatum et inopinato deglutitum, demum elapso biennio, oborta febre anomala, scybalo excrementi aluini duriori inclusum, per inferiora redditum.

**XL.** Cornu ceruinum, trunco arboris ulmi inolitum.

*Nota.* Talia ubiuis fere in magnorum Principum Museis monstrantur, & pro naturae portentis habentur. Sed frau-



dem subesse, sectione huius trunci, detexi, & in Programmate ad Dissertationem inauguralem *de consensu partium* publicavi, & iterato experimento, in porticu Regia Dresdensi instituto, confirmaui.

**XLI.** Cornu cerui monstrosum, forma globosa, anno 1672. in sylua Annaburgensi a trunco arboris fagi, cui per radículas, in uestigia uasorum sanguiferorum penetrantes, annexum fuit, resectum.

*Nota.* Huius mentionem feci in Programmate ad Dissertationem inauguralem Ao. MDCCLIV. edito, & iconem Norimbergam, Commercio literario inferendam, misi.

**XLII.** Cornu ceruinum petrefactum & calcinatione in terra, instar unicornu fossilis, albissimum redditum, quod Ditticherodae prope Rosla, quae sedes est Comitum de Mansfeldt, ad syluam Hercyniam in comitatu Stolbergensi, nouem ulnarum altitudine sub terra abditum, fodiendo puteum, repertum & erutum est.

*Nota.* Donum hoc pro Museo Regio accepi a Uiro reuerendo, Dn. Johanne *CHRISTOPHORO DEHLEN*, Pastore *Ditticherodensi*, cum relatione, lingua uernacula ad me missa. In hac describit constitutionem agri istius loci, ubi cornu inuentum est, cuius superius stratum, ulnae crassitie, ex terra nigra, lapidibus intermixta, constat, sub qua, octo ulnarum profunditate, limus purissimus, & adeo homogeneus deprehenditur, ut ne lapillum, pisi magnitudine, in eo reperire liceat. In huius limi fundo latuit istud cornu ceruinum, infra limum uero  
arena



arena glareosa, scaturigines fontis continens, reperta est. Hinc concludit laudatus Uir, non in particulari, aut successiue facta inundatione, cornu istud, uel totum ceruum, tanta profunditate sub terra sepultum fuisse, sed a diluuiio potius uniuersali repetendum hoc esse. Ab antiquis enim inde temporibus cornu hoc ibi latuisse, inde constare, quia testibus annalibus, a multis seculis, pagus Ditticherodensis una cum Pastoratu stetit. Hoc saltem cum illo dolemus, non integrum cornu, sed uix dimidium, idque a fossoribus in frustra fractum, eductum fuisse, nec residuum indagari potuisse, propter metum, ne puteo, aut fundamento domus Pastoris, superius proxime huic loco adiacentis, ruina conciliaretur.

**XLIII.** Dimidium uertebrae animalis marini, insignis magnitudinis, sed incertae originis.

*Nota.* Dono accepti a clariss. Doct. Trew. Medico Norimbergensi Ordinario Consil. & Archiar. Onoldino.

**XLIV.** Phiala uitrea, in qua farina fossilis, seu potius marga ex agro Klieckensi, prope Coswigam, Anhaltino-Seruestanam, ex qua uulgus, crescente annona, addito fermento panis, panem coxit.

*Nota.* De hac farina uideri potest *Clariss. BRVCKMANNI Epist. itiner. XV.* de farina fossili, qualis in Saxonia & Silesia reperitur.

**XLV.** Phiala uitrea cum frusto panis, ex hac farina cocti, massae magis calcariae, quam pani, similis.

**XLVI.**



XLVI. Lignum petrefactum, in Thuringia prope Gorslebium, ex Unstruda extractum.

XLVII. Urna Sorabica haud procul a Witteberga, inter pagos Scholiz & Reinhardts, Schmidebergae proxime adiacentes, Anno MDCCXXXVIII. effossa.

XLVIII. Regula, ex dente Hippopotami in Siberia fabricata.

*Nota.* Hanc Petroburgo Russorum acceptam, & duo antecedentia, Museo Regio donavit *Clariss Dn. Doct. WEIDLER. Mathemat. Superior in Acad. nostra Prof. Public.*

XLIX. Testa astaci marini maximi, Gummer dicti.

L. Cancer marinus, Taschen-Krebs, Meer-Krab dictus.

LI. Chela gammari, seu astaci fluuiatilis, monstrosa tridens.

LII. Vitrum, in quo testa oui gallinacei fracta, una cum ouulo minori, quo istud praegnans repertum fuit, in eodem reposito, conspicitur.

LIII. Effigies infantis monstrosi recens nati, femiaethiopis, tumore in capite, magnitudinem huius superante, pluribusque in pedibus & manibus digitis praediti.